



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cuius Iudicisqve Dei, Erga Homines In Hac
Vita Existentes, Firmata**

Stengel, Georg

[S.l.], 1645

§. 5. Desiderium S. communionis, communionem mereri ostendit S.
Laurentius Iustinianus.

[urn:nbn:de:hbz:466:1-49823](https://nbn-resolving.org/urn:nbn:de:hbz:466:1-49823)

eius accessit; & proprio ægrū nomine compellans: *Hic est Agnus, inquit, quem tibi dari petebas, quem & propter bonum desiderium suscepisti: cuius etiam virtute consequeris utriusq; hominis sospitatem.* Cum dicto, manum per vulnera ducebat, eumque iubebat ex templo sanum ad captum opus redire. Patuit hinc, vnde desperatis speranda sit medicina; & quid agendum sit, confiteri, aut communicare non valentibus. Optent animo, amorq; Dei (quem tam bonum Conditorum, Redemptorem, Patrem offenderunt) peccata confiteri, votoque cupiant secum iungi Christi corpus, quod re ipsa non possunt adipisci. Quæ spiritualis est communicatio, à Sanctis quotidie frequentata; & verò etiam maximis prodigijs usurpata, non solum, cum mors instaret, sed tota etiam reliqua vita. Cuius rei docendæ magisque, inter homines, promovendæ causa, non pigebit, complura eiusmodi exempla, salutaribus documentibus interspersis, commemorare. Ars est saluberrima; sanctissima praxis. §. V.

Thom.
Bozius
lib. 15. de

Desiderium S. communionis, communionem mereri ostendit S. Laurentius Iustinianus.

De Laurentio Iustiniano Venetiārū Patriarcha, qui vixit Eugenio IV. sedente, hæc leguntur. *Sacra virgo quadam erat magnæ sanctitatis; hæc, per multos annos, abstinentiâ, vigilijs, orationibus steterat ante Dominū: Accidit autem, ut solennitate corporis Christi, neque sorores alia, neque ipsa communicare divinis mysterijs possent, & cum agrè ferrent, & illa imprimis sanctissima mulier, oratum Laurentium mittunt, quia prope esset monasterium, ut, si gratiam communicandi, eo die, habere non possent, ipse saltem dignaretur, dum celebraret, pro ancillis suis orare: promittit Laurentius, dum autem celebraret ad populum, post elevationem, factus est extra seipsum, detulitq; eum spiritus ad illam mulierem in cellâ clausam, & contemplationi vacantem; qua fortè tunc miro desiderio communicandi teneretur, & sacra illa mysteria communicavit, siue in corpore, siue extra corpus, Deus scit; ab oculis quidem totius populi non discessit, donec ad se ipsum reuersus ab illo pietatis officio reliquum missa peregit.* Hæc sunt verba scriptoris, ex eadem gente Iustiniana prognati, ac patritij Veneti, huius desiderij sancti vsum & fructum ostendentia. Nimirum quia amans suarum ouium Pastor Christus, etiam cor-

Signis
Eccles. 22
4. ex Ber-
nardin.
Iustin. in
vita eius.
c. 8. apud
Sur. 8.
lan.

pore simul vult pluribus, quantumvis distantibus, adesse, fecit etiam ipsum pluribus simul esse in locis Patriarcham: atque, ut desideria tantæ pietatis propagaret, vel ipsa miracula multiplicauit. Desiderat nimirum & Christus esse cum ijs, à quibus se videri desiderari. Eo autem præsentem, quid deesse potest; cum in illo sint omnia? Antigonus

Plutarch. II. *pugnaturus contra Ptolomai duces, cum dixisset gubernator, multò plures hostium esse nauas; Me ipsum præsentem (inquit) contra quos nauas opponis? Contra quot hostes non Christum non opponemus; si quidem illum præsentem habeamus? Habemus autem,*

Thom. de Kemp. lib 4. cap. 3.

habere volumus; si dicimus: Desidero nunc deuotè ac reuerenter suscipere: cupio te in domum meam inducere, quatenus cum Zachæo merear à te benedici, ac inter filios Abrahæ computari. Anima mea corpus tuum concupiscit, cor meum tecum vniri desiderat.

§. VI.

Desiderio SS. Eucharistiam attraxit Monachus.

Cæsar. lib 9. c. 37.

Magnes ferrum, ardens voluntas Deus attrahit. Cuius etiam exemplum Bernardus de Lippa, prius Liuoniæ Abbas postea episcopus, retulit, de quodam recens fidei